



pravosudna mreža  
BOSNE I HERCEGOVINE  
правосудна мрежа  
БОСНЕ И ХЕРЦЕГОВИНЕ  
justice network  
OF BOSNIA AND HERZEGOVINA



forum građana tuzle



Helsinški odbor za ljudska prava  
u Republici Srpskoj

# NEWSLETTER BILTEN

*Pokretanje Pravosudne mreže BiH inicirali su Forum građana Tuzle i Helsinški odbor za ljudska prava u RS, kao dio aktivnosti Projekta održivosti civilnog društva (CSSP). Osnovna svrha Mreže je doprinos nezavisnosti, efikasnosti, nepristrasnosti i samostalnosti bh. pravosuđa.*

| Broj 17. |

## NOVOSTI

### Ružica Jukić ponovo imenovana za članicu VSTV-a BiH

Sudije općinskih i kantonalnih sudova Federacije Bosne i Hercegovine iskazale su povjerenje Ružici Jukić, sutkinji Općinskog suda u Tuzli, ponovo je izabravši za članicu Visokog sudskog i tužilačkog vijeća Bosne i Hercegovine (VSTV BiH). Mandat Jukić trajat će naredne četiri godine, od juna 2016. godine do juna 2020. godine. Ružica Jukić je ujedno i potpredsjednica [...]

Sudije općinskih i kantonalnih sudova Federacije Bosne i Hercegovine iskazale su povjerenje Ružici Jukić, sutkinji Općinskog suda u Tuzli, ponovo je izabravši za članicu Visokog sudskog i tužilačkog vijeća Bosne i Hercegovine (VSTV BiH). Mandat Jukić trajat će naredne četiri godine, od juna 2016. godine do juna 2020. godine. Ružica Jukić je ujedno i potpredsjednica VSTV-a BiH i tu funkciju obavlja od juna 2012. godine, saopćeno je iz VSTV-a BiH.

### Radionica na temu

#### „Rješavanje predmeta ratnih zločina u sudovima“

Radionica na temu „Rješavanje predmeta ratnih zločina u sudovima“ održala se 24. maja 2016. godine, s početkom u 9:45 sati u hotelu „Kardial“ u Tesliću. Radionicu je organizovalo Visoko sudsko i tužilačko vijeće Bosne i Hercegovine (VSTV BiH) u okviru projekta „Konsolidacija i dalji razvoj pravosudnog komunikacijskog i informacijskog sistema“ kojeg finansira Evropska unija iz programa IPA 2013.

Na radionici su se prezentirale informacije o radu sudova na rješavanju predmeta ratnih zločina u sudovima i implementaciji planova za praćenje predmeta, broj i njihovo trajanje, a raspravljalo se i na temu upravljanja postupkom u predmetima ratnih zločina od statusne konferencije do glavnog pretresa. Također, razgovaralo se o zakonitosti dokaza u predmetima ratnih zločina s osvrtom na različitu praksu u entitetskim sudovima i sudovima u Brčko Distriktu BiH i Sudu BiH.

Radionicu je uvodnim obraćanjem otvorio predstavnik VSTV-a BiH. Ova radionica je prvenstveno bila namijenjena predsjednicima i sudijama sudova nadležnih za rješavanje predmeta ratnih zločina.



Britanska Ambasada  
Sarajevo

### Održana radionica „Planovi rješavanja predmeta“

Jednodnevna radionica „Planovi rješavanja predmeta“ za predstavnike vrhovnih i drugostepenih sudova u BiH održana je danas na Vlačiću. Radionicu je organizovalo Visoko sudsko i tužilačko vijeće Bosne i Hercegovine (VSTV BiH) u okviru projekta „Unapređenje efikasnosti pravosuđa“ kojeg finansiraju Vlada Norveške i Vlada Švedske.

Svrha radionice bila je da se sudovima skrene pažnja na trend rješavanja predmeta, starost i trajanje neriješenih predmeta te da se daju upute predsjednicima sudova na koji način da adekvatno prate realizaciju planova rješavanja predmeta. Tokom radionice su se razmatrale analiza rada po starosti inicijalnog akta u 2015. godini, kreiranje i realizacija planova rješavanja predmeta u sudovima. Predstavljeni su rezultati rada na rješavanju predmeta iz planova u 2015. godini i u prvom kvartalu 2016. godine.

Također se razgovaralo o problemima u praksi pri sačinjavanju planova i upitima sudova, Uputstvu za sačinjavanje planova za rješavanje predmeta kao i načinima praćenja i mjerama s ciljem poboljšanja ostvarenja planova.

Uvodnim obraćanjem radionicu je otvorio g. Zijad Kadrić, sudija Apelacionog suda Brčko Distrikta BiH i član VSTV-a BiH, koji je istakao: „Jedna od najuspješnijih mjera povećanja efikasnosti rada sudova koju je VSTV BiH poduzeo jeste uvođenje planova rješavanja starih predmeta u sudovima čime je uvedena obaveza izrade jednoobraznih planova i obezbjeđeno rješavanje predmeta na osnovu starosti inicijalnog akta. VSTV BiH je ovu aktivnost počeo implementirati 2011. godine, od kada su sudovi kroz planove riješili blizu 500.000 najstarijih predmeta, a koji su predstavljali jedno od najvećih opterećenja bh. pravosuđa.“

Gospodin Kadrić je također istakao da su, na osnovu planova, sudovi u 2015. godini riješili 187.118 najstarijih predmeta, čime je realizovano 84% od ukupno 221.514 predmeta predviđenih planovima za 2015. godinu. Tako je u sudovima u 2015. godini broj neriješenih predmeta starijih od 14 godina smanjen za 97%, starijih od 10 godina smanjen je također za 97% i starijih od 5 godina smanjen je za 98% u odnosu na 2010. godinu.

Učesnici na radionici su bili predstavnici VSTV-a BiH, Suda BiH, Vrhovnog suda RS i Vrhovnog suda FBiH, Apelacionog suda Brčko Distrikta BiH, Višeg privrednog suda u Banja Luci te okružnih i kantonalnih sudova.

VSTV BiH je na sjednici održanoj 21. i 22. januara 2015. godine usvojio novo Uputstvo za izradu planova za rješavanje predmeta na osnovu kojeg svi sudovi imaju obavezu sačinjavanja planova, a sve s ciljem rješavanja što većeg broja starih predmeta.

Na radionici su usvojeni sljedeći zaključci:

Potrebno je da svi sudovi prilikom rješavanja predmeta prioritarno rješavaju predmete iz plana.

Potrebno je da nižestepeni sudovi obavijeste drugostepene i vrhovne sudove o predmetu upućenom po pravnom lijeku na višestepeni sud, a koji ulazi u kategoriju tzv. tipskih predmeta pred nižestepenim sudom kako bi se što prije donijela odluka u ovakvim predmetima, na osnovu koje će postupati nižestepeni sudovi.

Potrebno je da se nastavi sa organizacijom radionica na temu sačinjavanja i praćenja planova rješavanja predmeta kao i problema koji se javljaju u praksi.

Potrebno je da nižestepeni sudovi dostavljaju informacije o predmetima proizašlim iz stečaja drugostepenim i vrhovnim sudovima kako bi isti bili uvršteni u planove rješavanja predmeta proizašlih iz stečaja. izvor: <http://epravo.ba>

## Centar za sudsku dokumentaciju posjetio pravosudne institucije Republike Srpske

Predstavnici Centra za sudsku dokumentaciju Visokog sudskog i tužilačkog vijeća Bosne i Hercegovine 13. i 14. maja 2015. godine posjetili su Okružni sud u Banjaluci, Okružni privredni sud u Banjaluci, Viši privredni sud u Banjaluci i Okružno tužilaštvo u Banjaluci kojom prilikom je urađena prezentacija baze sudskih odluka u kojoj je trenutno dostupno 10.909 odluka. Od toga je 6.650 odluka iz građanske oblasti, 3.291 iz krivične oblasti, te 968 iz upravne oblasti. Prezentirani su izabrani pravni stavovi Suda Bosne i Hercegovine, Vrhovnog suda Republike Srpske, Vrhovnog suda Federacije Bosne i Hercegovine, te Apelacionog suda Brčko distrikta BiH. U bazi su takođe dostupne nižestepene odluke donesene u izabranom predmetu i odluke Ustavnog suda Bosne i Hercegovine ukoliko je u konkretnom predmetu uložena apelacija ovom sudu. S tim u vezi, prezentirana je pretraga odluka po raznim parametrima, kao što je pravni institut, broj predmeta, naziv suda, pretraga po slobodnom sadržaju i sl.

Pored baze sudskih odluka prezentiran je ostali sadržaj koji se nalazi na web stranici Centra za sudsku dokumentaciju a koji može biti od koristi nosiocima pravosudnih funkcija u svakodnevnom radu. Prisutne sudije mogle su vidjeti modul „Zakoni“ gdje se svakodnevno objavljuju novousvojeni zakoni (BiH, FBiH, RS i BD BiH) sa pratećim tekstovima, datumom objave i stupanjem na snagu. Od velike važnosti su i pravna shvatanja koja donose najviše sudske instance na posebnim sastancima iz građanske, krivične i upravne oblasti (paneli). Takođe su prezentovani ogledni primjeri sudijskih odluka, stručni radovi, sudska praksa Evropskog suda za ljudska prava sa posebnim osvrtom na presude u sklopu databaze za jugoistočnu Evropu AIRE centra, u kojoj se nalaze ključne presude prevedene na jezike naroda iz regiona. Na ovaj način se nastoje motivisati sudije za proučavanje i primjenu EKLP, čime bi se podigao nivo zaštite ljudskih prava u BiH.

U 2015. godini Centar za sudsku dokumentaciju planira posjete i drugim pravosudnim institucijama Republike Srpske i Federacije Bosne i Hercegovine. (preuzeto sa [pravosudje.ba](http://pravosudje.ba))



Britanska Ambasada  
Sarajevo

